


曲

石詩

錄

右任



MG  
J226  
258



3 1761 2211 1

# 曲石詩錄

騰衝李根源印泉

宿曲石 己亥冬

曲石雪峰下，龍川東向流，夜寒清不寐，皓月滿江  
屢。

寶峰山 二首

寶峰峯頂白雲封，且上天梯扶短筇，仰止高山胡吏  
部，一谿烟水滿林松

懷明遺臣胡  
二峯先生

摩伽陀

蒙詔時，寶峯山開山  
番僧名，亦以名山

自集鷹分，翠壁巍巍高出雲，

曲石詩錄

一

上有摩巖五大字，筆鋒橫掃千人軍

觀明騰衝副總兵官吳蓋臣摩巖字

香雲寺

萊里峯高不易攀，香雲古寺萬松間，門前沃野田千

頃，更接蠻岡活火山

蠻岡溫泉，又稱丙采溫泉，在蠻岡河岸，出泉之區，廣數百畝，距寺東北三里，沸聲怒吼，

四時蒸雲，冬春浴者近萬人。

護珠寺

護珠風景勝西盟

騰越護珠西盟諸寺，皆蒙詔時建，西盟在城中，今廢。

四面雲山水一泓

，片柱珍奇人罕見

寺有楹柱一，大可合抱，高丈餘，以木片集合而成，

鄉民都道魯般

成。

甲子上巳與太炎右任溥泉祭鄒威丹墓

革命軍聲震，天地爲變色，我來弔荒冢，桃花共泣

血冢旁多桃園，  
花正怒發，

丙寅三月游穹窿山偶成

筍輿輕捷上穹窿，游罷玄宮

上真觀

又梵宮

寧邦顯忠拈  
花三寺，

洽是

江南春好處，滿山開遍杜鵑紅。

虎丘

丙寅春

丘阜虎留蹟，劍池水不波，石惟顯德古，梅是冷香多。

與吳穎芝先生蔭培遍游光福諸勝，飯于還元閣，寺僧忠恕出冊請題，穎老詩先成，依韻和之。

走徧山隈與水隈，還元閣上共徘徊，一年好景君須記，八月桂花二月梅。

游賀九嶺，宿伏龍山下北山村岳氏卽景

癸酉九月

來游賀九嶺，借宿北山村，柿子紅盈樹，稻花香到門。

松海題壁 甲戌冬

苟全于亂世，不覺入山深，高臥小隆中，聊爲梁父吟。

病中夢九保太平寺

丙子七月，在蘇州博習醫院。

九保

余生長之鄉，

孤城翠靄間，盈江中劃東西山，爲何夜夢

太平寺

余病盲腸炎，危甚，割後幾殆，夢中常至太平寺，余少時讀書處也。

天與太平度此關

逾日遂有

起色，得慶更生。

螺峯登高分韵張蕙鷗兄爲拈得如字

丙子重九

夢想螺峯勝，吳山總不如，風流多耆舊，

是日到滇耆宿四五十人，

老病有癰疽

前戊辰疽發於背，幾死，割十餘次，接血補皮始就痊，而體已殘廢，今六月十八日復患腸癰，割腸六寸餘，獲更生，頃

猶未離牀褥也，

蓮濼揮戈日，

蓮濼卽蓮花池，辛亥重九，與李儀亭起義於此，

龍池醉酒餘，

壬子重九，雲南光復紀念，與蔡松坡諸公暨全城文武數百人飲於九龍池上，皆泥醉，余與松坡諸公渴不可支，伏地飲湖水，衣履盡濕，幾撲湖中，

何

當歸去好，莫再戀姑胥。

和羅卓英軍長戰地中秋元韵

丁丑八月

陵空鐵鳥任飛騰，彈著樓船上下層。我機轟炸敵之出雲艦。君自有心殲此賊，倭兒到眼最分明。

寶劍森森殺氣騰，軍前勇士若雲層，夜深梟盡仇人首，楊子江頭月正明。是夜襲擊蘆藻濱，斃敵甚衆。

寫憂

頃知第三戰區司令長官部移常州，總兵站亦移常州，第十五集團軍司令部移宜興，蘇州後事可知，心神動蕩夜不能寐，

歌以當哭，

月光淒白照城頭，居民逃盡鬼啾啾，河干棄兒無人拾，河水漂屍少人收，城鄉潰兵若千萬，無一人家

不抄搜，幸無姦淫劫殺事，飢寒求索尙有由，軍令  
長官肅軍令，擒斬多人亂少休，戰場頽勢已難挽，  
險象重重貽厥憂，不幸陷諸倭奴手，典籍財貨任誅  
求，婦女虜之三島去，壯丁駢戮文士囚。此時景象  
何得似，炎黃華胄比馬牛，帝國主義原如此，不能  
自強亦何尤，或者天不絕華胄，異軍特起美與歐，  
倭奴內潰自倒矛，我軍乘勝復仇讎，是皆後日所有  
事，究何消我今夜愁，長夜漫漫旦何時，呼天不應

天悠悠，東南浩劫轉瞬遍，不謂地獄是蘇州。

去蘇州 三首

大兵一退民逃盡

時前方因劉吳兩軍之變，多數潰下，蘇城散兵，不下數萬，自九日起，敵機大肆轟炸，居民逃避，城幾一

空，蘇民三十八萬餘，今所留者，老弱殘疾，十之一二而已。

炸彈朝昏不斷投

十一、十二、十三、十四等日，來必投

彈，晝夜不分，計自八月十五日起，『是日余偕張仲仁錢梓楚諸君，赴真如沈

家橋勞軍晤馮煥章張文伯張向華楊嘯天諸軍事領袖。方歸至城，城內外已炸遍

。死傷五百餘人，此爲敵機炸蘇之始。』至十一月十五日，蘇城共受敵彈四千二百餘顆，死傷人民數千，破壞街市房舍學校醫院工廠無算，

救

難扶傷今已矣

吳縣救護會，紅十字會，後援會，先後收容難民十五萬以上，救治傷兵五萬以上，安葬陣亡將士數千於馬岡山

英雄冢，及石碼頭硯山，截至十二日，城中尚有傷兵數千，難民萬餘，至十四日全部轉送出城，皆醫員壯丁之力，蘇城壯丁服務担架術者數百人，醫生百餘

曲石詩錄

一〇

人，看護女生二三百人，童軍三四百人，於轟炸最烈之下，跟隨傷兵，服侍遷徙，令人感佩所最苦者，太嘉寶三屬難民八千七百餘，無家可歸，哭聲震地，不忍卒聞，送小王山一帶寺廟暫住，多發口糧，俾其生路不致斷絕，老夫揮淚去蘇州，先夜在張仲老宅，到張一慶錢鼎溫晉城孫丹忱及余，面面相望，氣象愁慘，處分畢而散，準備離城，時余宅中夫役被散兵拉去，僅有世交子惠君心可，及隨侍許金生在余旁，扶余步行出城，叩辭祖先神主，哭不成聲，

蹣跚踏月出金門

出門遇潰兵若干，難難民多人，余屬入其中，途間屢被搜查，至觀前遇別路潰兵開鎗數十百響，余伏地獲免，

出金門，已夜深三時，匿入丁家巷劉君正康宅，閨門正被轟炸，

先竄獅山後闕村

天將明，尾難民向獅子山逃，沿

村住潰兵，狀多不善，路又泥濘，折向橫塘路，橫塘潰兵充滿，有向民船開鎗者，在余身旁擊斃一人，余懼，改走石湖沿平寺，將至行春橋，復遇炸彈，隨走隨臥，歷時甚久，始抵湖山堂，寺中住有馬隊，敵機不斷低飛偵查，乃走寺下村陸姓求食，經蔣墩朱墩西陸塘木瀆，向小王山行，散兵告余云，平望失去

已三日，昨夜敵入吳江縣城，汽船開入太湖，吳江去此僅三十里，一水可達，余心尤悸。隊隊敵機相伴送，潰兵難民，蘇錫汽車路，人擠人走，其狀如蟻，上空敵機盤追，見馬匹汽車即擲彈，途上斃戰馬兵民無數，爲余所目睹，是時被炸死傷者，已無人救濟收殮，慘哉！

行人若個不銷魂

抵小王小關壘村，已晚六時，老命不死，幸已，回思國難，地方難，家難，不禁放聲大哭，余其爲亡

國民耶，興復之責，匪伊異人任矣，

次晨張仲老潘由生同至關壘村，

攘夷大義春秋著，吾輩儒生敢顧私，提起精神撐起骨，匈奴不滅何家爲。

抵南京寄謝馬晉三世兄

崇六

寇自松江入太湖，吳江陷後陷姑蘇，又看木瀆烽烟起，不識有人救我無

木瀆鎮來敵機九架投彈多發，火起冲天，正愁思間，晉三世兄至矣，請余登車，遲恐善人潘以

曲石詩錄

一二

西橋梁被燬，遂倉皇離闕瑩村，至寶林寺乘車。向無錫進發，張仲老以死不離蘇州爲言，不肯同行，揮淚而別。

車行一夜到南都，回首前塵淚滿裾，不是扶風風義厚，老夫那得免囚俘。

去南京 十八日

甫到京畿作難民，因何倉卒動舟輪，傷心帷幄紆籌策，錦繡江山竟付人。

至漢口 二十日

江頭北斗七星高，國府輪船至漢皋，誰爲中原驅牧

馬，老夫願帶哥舒刀

余在南京，乘纜舟浮江心，無船可登，遇最高

副院長振翰位，行兩晝夜，船抵漢口，正夜四鼓，斗星照西北，其光燦爛，因憶唐人金昌緒詩，偶成此絕，以爲誰能驅逐倭寇，執鞭亦所欣慕。

嶽麓山祭黃克強蔡松坡兩先生墓

十二月二十日

嶽麓來祭黃蔡墓，滿腹煩憂相煎觸，今日天下已去  
半，那不放聲向公哭，兩公魂魄尙有靈，披髮大荒  
拯吾族，倭奴逐兮故土復，是余小子馨香祝，猛憶  
江戶同盟中，尙有星臺與達峰，呼童酌酒奠高空，  
瀏水墮淚眞英雄，陳公節概尤峻崇，猛回頭與警世

鐘，祭罷下山去匆匆，麓山寺訪北海踪，李北海麓山寺碑，在今湖南大學，  
未細摩挲天欲雪，湘江浪打滿船風。

二十七年一月二十二日自武昌飛西安機中有

作武昌飛西安  
歷三時半。

眼底終南山，桐柏一例看，桐柏縣延高峻，似與華嵩連貫一氣，漢  
爲鄂豫山脈之最廣博而且雄厚者  
唐何愛此，八水繞長安。

咸陽

一炬成焦土，重瞳是沐猴，欲尋秦故蹟，夕照下羊

牛。

衛青霍去病墓二首

巍巍衛霍墓，茂陵遙相望，游罷小祁連，且坐石馬上。  
余乘剽姚石馬，曾躡一影，馬下踏單于，製作頗精，衛霍久不作，蝦夷肆厥虐，但願君再，生好將單于縛。

游杜曲謁杜工部祠題壁

終南雲物美，工部有祠堂，身後何曾寂，谿流文字香。

五泉山題壁

五泉山不改，大河水常清，金城方略在，千古趙營平。

十三日抵酒泉，以哈密大雨，機不能飛，停一日，荒城寒夜，睹關山月，慘白淒涼，莫名其境之苦，追念小玉山，泫然泣下。

成此一絕

自蘭州飛肅州，歷四小時。

今夜關山月，淒涼照酒泉，回思松海壘

先母墓在蘇州今陷倭寇中，游

子淚如川。

肅州抒懷

漢關河西郡

河西四郡武威張掖酒泉敦煌也，肅州，即酒泉，

驅除匈奴羌，截斷匈奴

臂，邊患已有防，西域置都護，討磔郅支王，降國

三十六，朝貢來遐荒

葱嶺以西，大月氏大宛康居安息條支罽賓諸國，皆抒誠來貢，

漢德何光

昌，今武何不揚，倭醜竟跳梁，其暴如虎狼，齧鍵

而毀墻，入門而及堂，兩都棄不守，壯士何容光，

老夫走邊疆，日日淚琅琅，故物何以復，撻伐何以

張，國本何以立，斯民何以康，望古而遙集，我思孝武皇。

十五日自酒泉飛迪化機中口占

鐵鳥高飛出玉關，流沙纔過又天山，遙瞻烏魯木齊

近自肅州飛迪化，歷五小時，哈密停半小時。十萬人家雲水間機近迪化，四野雲封，景最佳絕。

日寇陷東南，新疆盛督辦晉庸弟世才，迎我

至迪化，相見之餘，欣慨交集，得詩一章贈之。

南北天山任吐吞，貔貅十萬陣營屯，一朝痛飲倭奴

血，立馬昆侖喚國魂。

贈新疆省政府主席李鏡泉先生 溶

老樹着花無醜枝

唐句先生今年七十有一

花陰陰徧天山陲，我來應

賡樂土詩，使君驅鼠功德垂，蒲類山水鍾靈奇，千

秋萬歲裴岑碑

先生鎮西人，舊名巴里坤，有漢裴岑紀功碑，爲海內名蹟。

左文襄公祠

丞相天威讐百蠻，師行一鼓定陰山

天山，一名陰山，

而今留得

祠堂在，古柳森森水半灣

烏魯木齊河，繞流迪化城，兩岸古柳，參差合抱，左公時種，左公最愛柳

，故東自潼關，西至迪化，百億萬株，皆左公督袁保恆劉景棠張曜所植也。

劉襄勤公錦棠祠

齊名曾左無前績，開府疏勒第一人

常熟翁同龢題公祠楹柱聯語，

五十

餘年承化久，祠堂諷讀歷昏晨

祠中設小學，學生數百人，規模謹嚴，極有朝氣，

登紅山塔

春到邊庭草木柔，北山好景恣春游，雪花化作桃花水，萬派爭歸塔下流。

送張季羣弟

篤修

東歸入陸軍大學

瀚海西行欲到天，多君送我意纏綿，今朝送子東歸去，好奮鵬程路八千。

登迪化城樓卽事

博多山勢欲摩天

博克多山，在迪化城北，爲天山最高峯，

烏魯河邊柳帶烟，無

事鞏寧城上望，滿空鐵鳥如飛鳶。

接張爲資世兄滬訊仲老猶健在匿居穹窿山中

喜成二絕

君上穹窿山，聊且依瞿曇，願爲任司馬

任環明嘉靖中在蘇州破倭寇者，

莫作鄭所南

所南心史井。在蘇州承天寺，心史，宋亡後之作，今中國豈日本所能亡者。

我服君氣骨，堅剛比金玉，天留君不死，待看日沈陸。

旅夜思伯兄太炎先生

瞻想錦帆涇，

先生靈隱尚停蘇州錦帆涇宅。

燈前涕泗流，天山寒月夜

，有夢到蘇州，

曾夢至蘇州見先生，

水磨溝

兩岸人家夾小橋，水邊花柳入春嬌，溫泉香潔尤堪羨，活火千年不斷燒，水磨溝旁出溫泉香潔可愛泉四週地下噴火引之即燃歷久不斷產石油區也。

新疆金石

裴岑漢敦煌太守裴岑紀功碑，永和四年，在鎮西縣關廟，平國漢龜茲左將軍劉平國摩巖，永壽四年，在拜城縣，沙南

侯。漢雲中沙南侯獲石刻，永和五年，在鎮西縣煥彩溝。魏麴將軍魏折衝將軍薪與令麴氏造寺碑，太延元年，魏寧朔將軍

麴氏造寺碑，延昌十五年，涼國周。北涼沮渠安周造寺碑，中書郎中夏侯粲撰，題名御史索寧，永平三年，舊

均在吐魯番三興堡，在吐魯番，清光緒中，爲德國人竊取而去，今存柏林博物院，中國有石印本。更有大唐姜總管，唐左屯衛將軍副總管通

川縣男姜行本紀功碑，貞觀十四年，在哈密庫陰圖達坂。以上金石，余家舊藏拓片，今至新疆，擬

曲石詩錄

二四

一摩挲原石，未知有此精力完我夙願否。

智珠山

在紅山西南，福壽山東，距廸化城一里，平地突起一峰，高十數丈，兩河交流其下，上有道院，舊多文人觴詠其間，遭馬仲之亂，正殿爲其殘燬。

孤峰特起智珠山，兩水夾流灣復灣，綠遍榆楊千萬樹，方知塵市有仙寰。

登福壽山 二首

山在廸化城西二里，疊嶂聳秀，省垣主峯也，又名靈應山，以山頂見雲起，夏必雨，冬必雪，回語名雅瑪里克鄂拉，北接喀喇烏蘇，晶河，直抵伊犁。

天山分幹向西行，高聳層峯郭外橫，扶我穿雲度嶺去，依稀望見烏蘇城。

西域全形略可窺，中原不見望雲悲，惆悵山前天欲

暮。隔溪怕聽聲屠吹。

聲屠見說文

受業安陸張篤佛自迪化鈔出校印

## 補遺

庚戌元月承華浦思沐小墅落成

小築承華自有真。西平遺澤百年新，九龍池上東風暖，桃李花開三迤春。

此首應列宿曲石之後寶峯山之前

### 載唐志歸蘇州

北邙山下理歸驂。載得唐銘九十三，余在北邙山下，得唐人墓銘九十三塊，乞楊耿

光兄運至蘇州，

最好并州，

并州人

片石在，黃河曲唱到江南。

風木堂獨坐

癸酉五月堂在小王山

小王山下慣居貧，願伴漁樵了此生，還有殷憂無可遣

，狂瀾倒挽仗誰人，

今熱河又陷寇入長城迫近平津之郊北望幽燕能無  
慟心去歲余以國難嚴重忝顏出席洛陽會時報我以

嘲謔會後又凌我以強暴幾拘之南京海部  
將來救國無我亡國有我可斷然耳慨哉

此二首應列宿伏龍山前

小王山居 丙子春

小隱王山曲，滿山種松竹，貞松甘萬株，成林長新  
綠，筍吐百千竿，冲霄高簇簇，園田水芹生，豆莢  
花芬馥，莧蕪與薤韭，蒜藍雜蘆菹，椿枝抽嫩芽，  
櫻苞露芒角，土沃味清甘，調羹隨所欲，如雲陌上

桑，滋榮滿山麓，風煖氣候和，年收蠶三熟，二十  
八日間，黃白光盈蔭，松菌首陽蕨，參苗屬野蕨，  
兒女探盈筐，晨餐佐泡粥，尙有嬌艷花，醪醑並躑  
躑，鶯飛草長時，紅白遍山谷，老妻最愛之，朝起掇  
盈掬，是皆春時花，秋花尤怡目，千樹吳江楓，萬  
朵樊川菊，老桂一山香，珠紅鳥不宿，更有松海勝  
，梨澗瀉飛瀑，臥獅峯峯青，幽花映疎木，巉巖小  
隆中，格外成一局，萬松且聽松，湖山相對矚，罔

極東西泉，可飲亦可沐，芳塘池養魚，巨鱗清可捉，  
，菱藕嫩如玉，有餘供販鬻，豕羊雞鵝鴨，成羣山中育，  
其藷可肥田，其肉可裹腹，勤勤朝昏間，播殖在百穀，  
待到穀登場，萬事都自足，農家田野人，愛與我往復，  
敬我如師友，親我如家族，相將談稼穡，共嘗酒新漉，  
歡醉竹林間，高歌凌山嶽，一臥竟十年，  
民國丁卯六月，余買山經營先慈塋域，即居於此，得閒莫非福，保此歲寒心，  
勉慰親遺屬，  
先母有報國守身，守身爲重之訓，

哭伯兄太炎先生

平生風義兼師友，萬古雲霄一羽毛，

先生六子初度，余書此十四字為壽，今因

之成輓詩一絕。並成輓聯云，徽斯人吾誰與歸，平生風義兼師友，臨大節而不可奪，萬古雲霄一羽毛，

遺恨長城寇牧馬，

誰揮大手奠神皋。

此二首應列病中夢九保太平寺之前

二月八日自西安飛蘭州作

自西安飛蘭州歷三小時

秦隴山雲一鶚搏，六盤高處不勝寒，

機過六盤山，畏寒氣促，司機者告云，已高飛

六千公尺

忽然流出黃河水，鎮遠長橋雪裏看，

機過會寧，始見黃河東來，始

知去皋蘭不遠，未片時至蘭州機場降焉，鎮遠橋，距蘭州城北未百步，長百餘丈，五空，宣統間德人包建，費三十餘萬兩，長庚有碑。

此首應列五泉山題壁前

曲石詩錄 補遺

遣懷

南北兩輪臺，

南輪臺即今南路輪臺縣回語稱布古爾者漢建也北輪臺在今北路阜康縣西六十里黑溝驛唐建也

邊風動

地哀何時揮落日完壁復歸來。

此首應列左文襄祠後紅山塔前

補遺編係由迪化續寄收到時本錄業已付印排版  
就緒無法『更正』『加入』

張篤侑謹注

82

